

UniSZA bakal lancar portal usahawan siswazah

KUALA TERENGGANU 12 Mac - Universiti Sultan Mizan Zainal Abidin (Unisza) akan melancarkan portal usahawan siswazah iaitu www.anjungiaga.com di Quinara al-Safir Resort (Inforana) Tok Jembal dekat sini pada 16 Mac ini.

Dalam satu kenyataan hari ini, universiti itu turut memaklumkan bahawa serentak dengan pelancaran itu, turut diadakan majlis penyerahan sijil pendaftaran perniagaan yang bakal dihadiri Naib Canselor UniSZA, Prof. Dr. Yahya Ibrahim.

Pada hari yang sama, satu seminar kesedaran lesbian, gay, biseksual dan transgender (LGBT) dengan tema Sejauh Mana Ancamannya Kepada Mahasiswa Kini akan diadakan di Dewan Kuliah UniSZA bermula pukul 8.30 pagi.

Penutupan seminar sehari itu akan disempurnakan Setiausaha Politik Kepada Perdana Menteri, Datuk Sahlan Ismail kira-kira pukul 3.30 petang.

28/3/13 BH Pesilat UniSZA serlah kehebatan

Wangsa Maju: Pasukan Puteri Cekak yang diwakili pesilat wanita Persatuan Seni Silat Cekak Ustaz Hanafi (PSSCUH) Universiti Sultan Zainal Abidin (UniSZA) sekali lagi mengharumkan nama universiti apabila muncul johan keseluruhan Kejohanan Cabaran Pandai Silat Peringkat Nasional di Wangsa Walk Mall, Kuala Lumpur baru-baru ini.

Penasihat PSSCUH UniSZA, Muhammad Hafiz Abdullah, berbangga dengan kejayaan pasukan pesilat UniSZA itu.

"Walaupun hanya satu pasukan berjaya ke peringkat akhir, kejayaan besar bagi PSSCUH UniSZA kali ini juga kerana dapat menghantar lebih ramai pasukan berban-

ding tahun sebelumnya.

"Ekoran kejayaan ini, PSSCUH UniSZA akan berusaha untuk melahirkan lebih ramai pesilat yang hebat sebagai pelapis bagi meneruskan lagi legasi silat dan melahirkan mahasiswa yang lebih berdaya saing," katanya.

Acara penutup kejohanan disempurnakan Guru Utama PSSCUH Malaysia, Marwi Latif. Kejohanan kali kedua itu dianjurkan Akademi Silat Cekak Ustaz Hanafi dan disokong Kementerian Belia dan Sukan.

Komitmen UniSZA

PSSCUH UniSZA menghantar tiga pasukan bersempena dengan kejohanan itu iaitu

Puteri Cekak, Srikandi Tun Fatimah dan satu pasukan pesilat laki-laki iaitu Cakak Ganu.

Puteri Cekak mengungguli kejohanan itu dengan menewaskan lima pasukan lain dan menerima pingat emas serta disarungkan dengan baju rasmi persatuan iaitu baju singkap.

Sebanyak empat kategori dalam ujian saringan diperlombakan iaitu papan sekeping tangan kosong, papan sekeping senjata, umum tangan kosong dan umum senjata sementara tiga tugasan disempurnakan pada pusinan akhir iaitu serangan berpasangan, umum praktikal dan serangan di atas titian condong.



Pasukan Puteri Cekak PSSCUH muncul johan dalam Kejohanan Cabaran Pandai Silat Peringkat Nasional di Wangsa Walk Mall, baru-baru ini.